



Armenia



ՏԵՍ
անտեսանելի

ՀՈԳԵԿԱՆ ԱՌՈՂՔՈՒԹՅԱՆ ԽՆԴԻՐՆԵՐ



ՀՈԳԵԿԱՆ ԱՌՈՂՔՈՒԹՅՈՒՆ
ԲՈՒԼՈՒԻ ՀԱՄԱՐ



ՀՈԳԵԿԱՆ ԱՌՈՂՋՈՒԹՅԱՆ ԽՆԴԻՐՆԵՐ

Հոգեկան խանգարումները համընդհանուր առողջական խնդիր է ողջ աշխարհում: Բոլոր երկրներում և մշակույթներում կան մարդիկ, որոնք ունեն նման խանգարումներ:

ՀՈԳԵԿԱՆ ԽԱՆԳԱՐՈՒՄՆԵՐԸ՝ ՈՐՊԵՍ ՀԱՄԱՇԽԱՐՀԱՅԻՆ ՄԱՐՏԱՀՐԱՎԵՐ

Յուրաքանչյուր պահի աշխարհում ամեն տասը հոգուց մոտավորապես մեկն ունի հոգեկան խանգարում, և յուրաքանչյուր չորս ընտանիքից մեկն ունի հոգեկան խանգարում ունեցող անդամ:

Ամեն տարի ավելի քան 800 հազար անձ մահանում է ինքնասպանության պատճառով, ինչը 15-29 տարեկանների շրջանում մահացության երկրորդ ամենատարածված պատճառն է: Ինքնասպանությունների մոտ երեք քառորդը տեղի է ունենում ցածր և միջին եկամուտ ունեցող երկրներում:

Հոգեկան և նյարդաբանական խանգարումներ ունենում են բոլոր տարիքի մարդիկ: Աշխարհի երեխաների և դեռահասների շուրջ 20%-ն ունի հոգեկան խանգարումներ կամ խնդիրներ, և բոլոր հոգեկան խանգարումների շուրջ կեսը սկսվում է մինչև 14 տարեկան հասակը:

ՀՈԳԵԿԱՆ ԽԱՆԳԱՐՈՒՄՆԵՐԸ ԿԱՐՈՂ ԵՆ ՀԱՋՈՂՈՒԹՅԱՄԲ ԲՈՒԺՎԵԼ

Լավ նորությունն այն է, որ արդյունավետ բուժումը հնարավոր է դեղամիջոցների և/կամ հոգեւոցիալական

աջակցության միջոցով, ինչպիսին է, օրինակ՝ հոգեբանական խորհրդատվությունը: Հոգեկան խանգարումների վաղ ախտորոշումն ու արդյունավետ վարումն էական են մարդկանց անհրաժեշտ խնամքն ապահովելու համար: Այնուհանդերձ, հոգեկան խանգարումներով անձանց ճնշող մեծամասնությունը՝ 76%-ից մինչև 85%, աղքատ երկրներում բուժում չի ստանում: Սա մասամբ պայմանավորված է նրանով, որ եղած ռեսուրսներն անհասանելի են կամ արդյունավետ չեն օգտագործվում, բայց նաև այն պատճառով, որ հոգեկան խանգարումների հետ կապված համատարած թյուրըմբռնումն ու խարանդ կարող են լուրջ խոչընդոտներ հանդիսանալ և թույլ չտալ, որ մարդիկ դիմեն օգնության:

Թեև հոգեկան խանգարումները կարող են հաջողությամբ բուժվել, շատերը կարծում են, որ դրանք անբուժելի են, որ հոգեկան խանգարումներ ունեցող անձանց հետ դժվար է գործ ունենալ, որ նրանք խելացի չեն և կամ ունակ չեն որոշումներ կայացնել: Այս խարանդ կարող է հանգեցնել նրան, որ հոգեկան առողջության խնդիր ունեցող անձի իրավունքները չարաշահվեն, անձը մերժվի, մեկուսացվի, զրկվի բժշկական օգնությունից կամ համապատասխան աջակցությունից:

Այդ իսկ պատճառով չափազանց կարևոր է բարձրացնել հանրության իրազեկվածությունը հոգեկան խանգարումների մասին:

Մարդիկ պետք է հասկանան, որ դրանք շատ տարածված են, կարող են պատահել յուրաքանչյուրի հետ և կարող են հաջողությամբ բուժվել:

ՀՈԳԵԿԱՆ ԽԱՆԳԱՐՈՒՄՆԵՐ ՈՒՆԵՑՈՂ ԱՆՁԻՆՔ ՈՉՆՉՈՎ ՉԵՆ ՏԱՐԲԵՐՎՈՒՄ ՄՅՈՒՍՆԵՐԻՑ





ՀՈԳԵԿԱՆ ԱՌՈՂՋՈՒԹՅՈՒՆ ԲՈԼՈՐԻ ՆԱՄԱՐ

Այս տեղեկատվական թերթիկը մտնում է Առողջապահության համաշխարհային կազմակերպության (ԱՀԿ) տեղեկատվական շարքի մեջ, որը մշակվել է հանրության լայն զանգվածներին հոգեկան առողջության խնդիրների և դրանց բուժման մասին համապարփակ տեղեկատվություն տրամադրելու նպատակով: Դուք կարող եք ծանոթանալ բոլոր տեղեկատվական թերթիկներին սքանավորելով QR կոդը:

Սույն թերթիկը պատրաստվել է Եվրոպական միության ֆինանսական աջակցությամբ: Բովանդակության համար պատասխանատվություն է կրում բացառապես ԱՀԿ Եվրոպական տարածաշրջանային գրասենյակը, և պարտադիր չէ, որ այն արտահայտի Եվրոպական միության տեսակետները:

© Առողջապահության համաշխարհային կազմակերպություն 2019

Որոշ հրավումքներ պաշտպանված են: Սույն նյութը կարող է օգտագործվել Creative Commons Attribution-NonCommercial-ShareAlike 3.0 IGO արտոնագրի շրջանակներում (CC BY-NC-SA 3.0 IGO; <https://creativecommons.org/licenses/by-nc-sa/3.0/igo>)

